

FANOKAFANA KONGRESY NASIONALY

Voaporofa fa lehibe sy matanjaka ny antoko TIM

Natomboka omaly ao Tanjombato Antananarivo Atsimondrano ny kongresy nasionalin'ny antoko Tiako i Madagasikara (TIM), anio kosa ny ivo sy ny famaranana izany kongresy izany. Nanokatra izany tamin'ny fomba ofisialy ny sekretera jeneralin'ny antoko Rina Randriamasinoro, nambarany tamin'izany fa voaporofa izao, fa anisan'ny antoko lehibe sy matanjaka eto amin'ny firenena ny antoko TIM. Momba ity kongresin'ny antoko TIM 2023 ity, hanomboka amin'ny 10 ora anio ûmaraina eny Tanjombato. Nisy ny asambaomiera natao omaly omaly zoma 30 jona 2023 teny amin'ny Magro Tanjombato, nanomanana ny hanatanterehana ny kongresin'ny antoko TIM 2023 ho tontosaina eny an-toerana ihany anio sabotsy 01 jolay 2023. Mazava loatra, toy ny mahazatra an'ity antoko ity rehefa manao zavatra, dia fotoambavaka no nanombhana ny fotoana vao nirosi tamin'io asam-baomiera io ireo mpizaika rehetra ka ny "Collectif des élus" dia nanao ny asam-baomiera nandinihana ny hiatrehana an'io kongresy nasionaly hatao io. Misy ihany koa vao-miera iray natao handinihana ny Sata mifehy ny antoko sy ny prrogramman'asan'ny antoko matrika fifidianana. Ankoatr'izay, tena ihany koa ny fanofanana nomena ny rehetra momba ny resaka fifidianana. Marihana fa mpi-kambana TIM manodidina ny 20.000 isa any ho any manerana ny Faritra 23 eto amin'ny Nosy no vinavi-



Ny SG Randriamasonoro Rina teny Tanjombato omaly

naina handray anjara amin'ity kongresin'ny TIM 2023 ity ary efa samy tonga eto larivo avokoa izy rehetra, ka tsy maintsy mitondra "Badge" famantarana ireo hiatrika an'izany kongresy izany hanomboka amin'ny 10 ora eny amin'ny Magro Tanjombato amin'ity sabotsy 01 jolay 2023 ity.

Isambilo

Antenimierampirenena

Nisavoritaka tanteraka ny teny Tsimbazaza



Nisavoritaka tanteraka ny fandaharam-potoana teny amin'ny Antenimierampirenena teny Tsimbazaza omaly. Tokony ho nahemotra omaly ny fihaonana teo amin'ireo mpanao lalàna sy ny mpanatanteraka, tsy raikitra anefia izany. Tokony ho natao koa ny fanoloana ny mpikambana sasany ao amin'ny boirao maharitr'ity andrimpanjakana ity, tsy tontosa ihany koa izany hatramin'ny fotoana nanoratanay. Raha niato kely ny fivoriana tamin'ny 1 ora sy sasany tolakan-dro teo, hatramin'ny 7 ora hariva mbola tsy niverina ihany. Fehiny, azo lazaina ho tsy mandeha amin'ny laoniny ny zava-misy ao amin'ity andrimpanjakana mpanao lalàna ity eto amintsika. Tokony hifara omaly zoma 30 jona 2023 ny fivoriana ara-potoana voalohany ny Ante-

nimierampirenena io, rehefa naharitra 60 andro, araka ny voatondron'ny Andaniny faha-75 ao amin'ny Lalampanorenena malagasy, milaza fa « Mivory ara-potoana indroa isantaona ny Antenimierampirenena. Ny faharetan'ny fotoam-pivoriana isan-sany dia ferana ho enimpolo andro. Manomboka ny talata voalohany amin'ny volana mey ny fotoam-pivoriana voalohany, ary ny talata fahatelo amin'ny volana oktobra kosa ny fotoam-pivoriana faharoa, izay atokana indrindra amin'ny fandaliana ny lalàna mifehy ny fitantanam-bolam-panjakana». Ankoatra izany, ny andinny faha-102 andalana faha-2 amin'ny Lalampanorenana no mamaritra

ny fifanatrehan'ny Governementa sy ny Solombavambahoaka, fotoana atokana ho an'ny fanontanian'ireo mpikambana ao amin'ny Antenimierampirenena sy ireo valiny avy amin'ny Governementa. Voahosihosy ny lalàna sy ny Lalampanorenana ao Tsimbazaza. Hoi arahantsika eo ihany ny ho tohiny. Niaina

Malagasy Collectif. 6 jolay

Hiverina eny amin'ny fokontany indray ny lisi-pifidianana

Hiverina eny anivon'ny fokontany manerana ny Nosy indray ny lisi-piufi-

dianana ny 6 jolay ho avy izao, noho izay antony izay, mbola manentana ny

rehetra amin'ny resaka lisi-pifidianana sy fifidianana ny Malagasy Collec-

tif any dilambato : « olompirenena ianao, manana zo ary manana adidy ihany koa. Hanomboka ny 06 JOLAY izao ary dia: miverina any amin'ny biraom-pokontany ny lisitra, ka misoratra anarana aho raha tsy mbola nanao izany. Manamarina ny anarako aho. Mametraka fitarainana aho raha tsy tafiditry izany. Manao fanoherana aho raha tsinontsinoavina ny zo-ko. Olompirenena vanona ianao, mandraisa andraitra mba tsy ny hafa no hanao izany amin'ny toe-ranao, » hoy ny fanambaranana.

Stefa



Ny Valosoa sy fakafaka

Fidiram-bola tsy milamina

Fiainam-pianakaviana mikorontanaa

Re tato ho ato, fa mikorontana ary tsy mandeha amin'ny laonina ny fiainam-bahoaka araka ny feo sy hafatra voarain'y gazety. Tsorina hoy izy ireo, fa volana jona hafakely tokoa nefo mba tokony hanana ny lazany iny volana mamarana ny tapa-taona 2023 iny, izay nandrasan'ny maro, fa mba hahitana tombontsoa nefo dia nikororosy fahana hatrany raha ny vaovao hita sy re teny rehetra teny. Teo amin'ny lafiny fiaraha-monina, dia niha-nidangana ny vidimpiainana, nisondro-bidy avokoa ny entam-barotra isan-karazany ilaina andavanandro, ka tsy ampy nividianana sainam-pirenena intsony ny vola teo am-pelatanana na dia te-hanao izany aza, ka zary lasa sadasada ny fotoam-pankalazana ny fetim-pirenena. Tsy nisy sakafio sahaza ho an'ireo maro anaka toy taloha intsony, satria ny akoho iray aza efa 2alina Ar vao mahazo izay metimety, ny vorontsiloza dia tsy latsaky ny 120000 Ar intsony koa, mba hanova fiafahan-komana hanamarihana ny fetimpirenena 26 jona na ilay faha-63 taonan'ny fahaleovantena, ka dia natao tamin'ny fomba tsotsotra fotsiny ihany.

Nisy ireo zanaka na zafikely mba afa-panadinana CEPE hoy ny hafa taminay, nefo dia nodian-tsy hita, satria tsy misy na kadoa kely na anjara azo atolotra azy ireny, mba ho fampaherezana sy ho tsiahay arantaram-pianakaviana, noho ny vola tsy ampy sy ny fiainana efa tsizarizy tato ho ato. Teo koa ireo nilaza fa ny jiro sy rano, dia toa vonjy tavanandro hatrany, satria, ny 25 sy 26 jona fotsiny ihany, no mba nisy noraisina, fa ny ankoatr'izay dia ny omaly tsy niova ihany, tapatapaka ny jiro, simba ny fitaovanana, ny rano dia zara raha mandeha, tsy afaka nissasa sy nido na nanadio ara-dalàna. Ny arendrina sy ny kilalao mora vidy sasantsasany moa dia fankalazana 2 alina fotsiny hatrany, fa tsy nisy tohiny intsony raha vao nigadona ny andro talata 27 jona, izay mbola tokony hampiasaina hitsinjovana ny alarobia 28 jona fetin'ny silamo andro tsy fiasana nefo mba handraisan-karama hoy ny maro.

Ry zareo mpitontra fahefana aza moa hoy ny vahoaka, dia efa tandrevaka tanteraka, satria tsy tontosa amin'izay tokony hanova azy ny fihaonana tokony hatao eo amin'ny roa tonta : ny governementa sy ny Antenimierampirenena, mihemotra tsy ara-drariny ny fotoana ka tojo amin'ny hala-tsonia vitsivitsy, sy fitaka ifanaovan'ireo samy solombavambahoaka, ka lasa sadasada.

Raha fintinina hoy ny maro, ratsy ny salan'isa ny fotoam-pankalazana, mbola hafa ny "fahiny", natao am-pitiavana sy finiavana tanteraka ny fotoam-pankalazana, satria mbola ampy vola ny ankamaroan'ny vahoaka, ka tsy nisalasala ny nividysaina eny an-tsena, nitady izay sakafio tsara sy mahaso, na kilalao ho an'ireo taranaka ary koa nahavita nivoaka naka rivotra kely, mba ho fankalazana ilay 26 jona hatrany. Na izany na tsy izany, daty tsy hay adinoina ara-tantara ho an'ny mpiray tanindrazana foana ny fetim-pirenena 26 jona.

Beharo

PRIERE AU SACRE CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue.

Remerciements au Sacré Cœur pour faveurs obtenues.

Miotsoa R.